



# Gouvernman LDS pe delivre

Le 25 Oktob lannen pase, pour premye fwa dan listwar Sesel, en gouvernman ti ganny elekte atraver bwat vote. Le 26 Avril a fer ekzakteman 6 mwan depi ki Msye Wavel Ramkalawan in sermante koman prezidan Sesel pou diriz en gouvernman ki pou anmenn sa sanzman ki tou Seselwa pe espere. Malgre sa nouvo gouvernman in pran pouwar dan moman pli difisil dan listwar Sesel, zot in demontre ki avek determinasyon tou defi i kapab ganny sirmonte si i annan en stratezi byen kalkile.

Avek pandemi Kovid -19 ki pe fer fraka atraver lemonn e lekonomi mondyal lo son zenou, gouvernman ki konsyan ki asize e esper tanpet pase pa ti en opsyon. Sesel pou bezwen aprann viv avek kovid e bouze malgre tou defi. Priorite gouvernman sete pour protez Seselwa e ouver nou frontyer pou relans lekonomi ki depan preski antyerman lo touris.



*Louvertir nouvo bazar e fasilite pou peser La Retraite*

Lendistri lapas osi in ganny severman afekte me gouvernman pa'n bes lebra. Minis in travay san ses avek bann teknisyen pou fasilite proses leksportasyon enkli devlopman en lendistri valer azoute ki pou permet lendistri lapas zwe en rol pli konsekans dan lekonomi pei. Bokou zefor pe kontinyen ganny fer pou devlop bann

lenfrastruktir nesaser. Peser La Retraite in ganny en nouvo fasilite e travay i kontinyen dan lezot distrik.

Malgre bokou nwizans sorti kot en lopozisyon ki pas son letan met dout dan lespri Seselwa, gouvernman in lans son programm vak-sinasyon e ouver pei parey zot ti'n anvizaze. 30 zour

apre louvertir frontyer, rezilta i la pour tou dimoun trouve. Touris pe retournen, lendistri pe rebran son souf e lekonomi i lo bon semen. Valer roupi ki ti'n devalye par environ 30 pousan in retourn preski parey avan kovid. Plis avyon pe apoz lo nou erport e i annan bokou loptimism pou lavenir.

Avek nouvo polisi met Seselwa an premye e en rediksyon dan permi travay pour etranze, travayer Seselwa pou aprezan zwe en rol pli aktif dan lekonomi zot pei. Gouvernman in sirmont pli gro defi: kontrol kovid e relans lekonomi. Lavenir i depan lo sakenn de nou pou fer nou par.



*Touris pe reaparet lo nou lans e Seselwa in retourn travay*



# Liders LDS i diskrit lavenir parti

**S**emenn pase bann lidere LDS ti rankontre pou en lazournen travay dan lekel zot ti diskrit lavenir parti. Rankont ti ganny asiste par bann dirizan parti ki dan gouvènmàn, manm komite egzekitif ensi ki bann reprezantan parti lo nivo distrik.

Partisipan ti diskrit propozisyon en nouvo striktir parti ki reponn bezwen nouvo realite politik kot LDS in nepli lopoziyon me parti opouvwar. Bann propozisyon pou ganny prezante devan en konvansyon pou laprovasyon ki osi enkli serten amannman konstitisyon parti an relasyon avek

nouvo striktir. Dat pou sa konvansyon ekstraordiner pou ganny anonse byento.

Bokou diskisyon in osi deroul otour lafason ki parti i devret mantenir son lyen avek bann siporter anba sa nouvo normal. Parti i rekonnèt ki bann restriksyon enpoze an relasyon avek pandemi kovid-19 in enteronp sa lyen pros ant lidere, aktivis e siporter. Anvi ki bokou bann restriksyon pe ganny retire, parti in angaz li pou reetablir sa lyen solid antre son bann manm e siporter ki ti permet li ranport sa gran laviktwar dan eleksyon lannen pase.



# President hosts diplomats to outer islands



foundation to the diplomats who had played crucial roles in contributing to the national covid fund.

The visit of the diplomats to the outer islands gives them the unique opportunity to have firsthand knowledge of the many challenges faced by the country in managing the far-flung islands, especially those related to security and border control taken into account the limited

resources that the country is able to muster. The diplomats have also been able to witness firsthand the devastating effects of climate change and the vulnerability of the coralline islands to sea level rise.

It remains indeed a wise decision of the president in involving representatives of the international community in a better understanding of our national challenges.

**I**t was a very special occasion for the group of diplomats hosted by the President for a visit to the outer islands including sleepover on Aldabra, a world heritage site. As the patron of SIF (Seychelles Island Foundation) which protects and manages the world heritage sites of Aldabra and Vallee de Mai, it was an opportunity for the president to showcase the work being done by the



# US i abes dignite zanfan Seselwa

Lider US, Msye Patrick Herminie, in anmenn en nouvo dimansyon dan la fason ki politik i ganny fer dan sa pei. US i dan en lakours pour reganny enpe sa popilarite ki zot in perdi e zot in deside anpandan avek nenport labour koko ki pour anpes zot noye. Zot in komans avek politik Kovid-19 e vwar tou fot avek stratezi gouvrenman. La ki stratezi gouvrenman pe aport fri, lekonomi pe rebran e valer roupi pe ranforsi, zot in deside vir zot lantansyon lo zanfan Seselwa.

Swivan en lopinyon en-dividuel lo SBC konsernan

lasistans pour zanfan lekol avek difikilte ekonomik, Dokter Herminie in deswit konklir ki gouvrenman in koup lasistans pour bann etidyan Seselwa ki dan bezwen. Malgre tousala i konpletman fo e bidze ti ganny aprouve dan tou lantansyon, lider US in deside fer demagozi lo la dan son konferans-de-pres me i pa'n fini la. In promet ki son parti pour fer kado zanfan Seselwa 1000 goute par zour pour sis semenn. Sa i en zes tre zenere anver nou bann pti trezor me US ti annan en lot lentansyon. Zot ti pe servi sa levennman avek sel bi pou esey ganny



Promosyon parti politik dan lekol ?

en lavantaz politik.

Dan zot prezantansyon avek minister ledikasyon, zot in fer sir ki logo zot parti i aparet lo tou prodwi dan fason ki tou zanfan lekol a konnen ki se US ki'n fer sa kado. Sa latitid anver zanfan Seselwa i vremen degoutan e i montre en lipokrizi ekstrenm par sa parti politik ki ozordi i dan lopoziyon. Nou bezwen rafresi memwar Dokter Herminie.

Apré koudeta, Per Fondater son parti ti fer arete donn dile an poud avek

boulgor dan lekol. Son rezon sete akoz i demontre en mank respe pour Seselwa e abes zot dignite akoz lo sak bwat dile e goni boulgor ti enprimen konmkwa sa bann komodite ti en kado sorti Leta Zini. Per Fondater pa ti kapab tolere sa. Ozordi zour, Msye Herminie pe fer sir ki i demontre menm mank respe e abes dignite nou zanfan. Eski sa garson pa aprann okenn lesson sorti kot Per Fondater? Petet son sel opsyon pou sipor se zanfan lekol ki pou ganny laz vote an 2030.

## Restriktirasyon STC i dan lentere konsomater

Desizyon gouvrenman pou ferm bann laboutik STC ki vann an detay e konsantre lo biznes vann an gro i dan lentere konsomater. STC pe fer gran pert dan son loperasyon vann marsandiz an detay atraver bann laboutik eparpiye enpe partou enkli Praslin avek La Digue. Pou garanti ki pri bann marsandiz de baz i reste parey, STC in antre an gosityasyon avek



Lasosyasyon boutikye e pou napa okenn sanzman dan pri bann komodite esansyel. Tanka lezot komodite ki STC i vann an gro, STC pour afis bann pri ki i rekomande pour vann lo sa bann komodite e tou boutikye ki form parti sa lasosyasyon in donn langazman pou vann bann komodite dapre pri ki STC i rekomande.

Avek to lesanz ki pe favoriz roupi Seselwa e avek reorganizasyon loperasyon STC pou koup lo depans, konsomater i ekspekte vwar en bes dan pri marsandiz tre byento. An se ki konern travayer, gouvrenman in donn son langazman pour abzorb zot dan lezot fonksyon e donn zot lantrennman kot i neser.

## Demars in komanse pou konstrisyon nouvo sant reabilitasyon



Swivan vizit Prezidan Ramkalawan e diskisyon avek gouvrenman Lemira Arab Ini, Sesel in ganny finansman pour konstrisyon lo nouvo sant reabilitasyon lo menm lokasyon kot ansyen Mont Royale. Sa batiman ki ti servi koman sant pou plizyer lannen ti konpletman brile dan en dife 10-an pase. Sa ki sagrinan se ki gouvrenman pa'n fer nanryen tou sa letan pou ranplas sa servis ki sant ti pe resevwar.

Avek konstrisyon sa nouvo sant, gouvrenman dizour i gard son langazman pou donn en latansyon priyoriter fleo drog dan Sesel.



# Napa koripsyon dan gouvènmman



*Louvertir hotel 'Club Med' ti pre enportan pour lekonomi Sesel*

**L**ensidan kot en etranze ki travay avek lasenn hotel 'Club Med' ti ganny permisyon pou antre dan pei apre ki en zofisyè imigrasyon ti'n deklar li koman en imigran ki'n ganny enterdi pour antre dan pei in anmenn bokou mekontantman parmi piblik e lakoler parmi bann siporter LDS.

Lefe ki en minis in deside les sa endividi antre dan pei

pa vedir ki minis i koronpi. I annan lokazyon kot en politisyen pou bezwen pran desizyon dan lentere nasyonal depandan lo sitiasyon. Dan sa ka, minis ti deside permet sa endividi partisip dan louvertir sa hotel me ordonn li kit pei deswit apre. Minis in servi son diskresyon pou pa kree en konfli dan en levennman ki ti tre enportan pou Sesel relans son lekonomi.

Sepandan gouvènmman i rekonet fason tre profesyonnel avek ki sa zofisyè imigrasyon in fer son louvraz e donn garanti Seselwa ki okenn desizyon ki i pran se selman avek lentere nasyonal an tet.

## US: En lekip barik vid



*Sa lekip LDS ki dan Lasanble Nasyonal i met lentere pep Seselwa anvan polisi parti*

**S**a mazorite absolè ki LDS i annan dan Lasanble Nasyonal i trakas lopoziyon. Pour bokou lannen zot in annan en mazorite absolè dan Lasanble e zot konnen ki sa i vedir sirtou si sa ki an mazorite i annan lentansyon malisyè parey zot ti fer dan le pase. Malgre zot an minorite, bann Onorab US i kontinyen fer zot lavwa tande malgre souvannfwa zot zis en nwizans. Dan deba lo bidze, zot in siport nesosite pou gouvènmman koup lo depans; zot in menm rekomande ki serten proze kapital pa ganny fer. Sepandan, zot oule ki okenn koupir pa afekte zot.

Tim LDS mazoriter dan Lasanble in propoze ki sa de parti politik i agree pou fer en rediksyon 1.5 milyon rounpi dan zot alokasyon. Kote US dan Lasanble Nasyonal pa'n kontan sa ditou. Zot in lager lebra kase pour zot retenir zot alokasyon sepoutan zot pas tou zot letan senpatiz avek pep Seselwa me ler i ariv pou met an aplikasyon sa ki zot prese, zot refize totalman. Ki kalite legzanp zot pe donner ? Zot polisi pa pou sanze. I reste 'fer sa ki mon dir ou me pa fer sa ki mon fer'. Pour bokou lannen zot in demann Seselwa pou ser sang tandis ki zot in angres zot lekor. Zot move manni zot pa pou sanze.

## Kote ki donn lantrennman pour vin prezidan?

**L**opoziyon denozour pe rod tou fason pou denigre nouvo gouvènmman ensi ki sef deta. Zot largiman se ki gouvènmman opouvwar napa leksperyans e zot pa ni menm konnen mannyer pour dil avek bidze. Sa largiman i vreman ridikil.

Planifikasyon bidze i en proses ki enkli bokou profesyonnel. Depi ki nouvo gouvènmman in pran labar okenn profesyonnel relye avek planifikasyon bidze pa'n perdi zot dyob. Zot tou zot ankor la. Annefe, plizyer zot pe piblikman aksepte ki anba nouvo

gouvènmman zot santi zot lopinyon i ganny valorize tandis ki avan sa tou sa ki zot ti sizere ti tonm lo bann zorey sourd. Annefe se bann teknisyen ki dil avek bidze e non pa politisyen.

De lot kote, en prezidan i ganny elekte baze lo son promes pour son pep. Pour enplimant son plan, prezidan i swazir en group kapab e konpetan avek ki i kapab enplimant son program politik. Napa liniversite ki kree prezidan.

Depi son lendepandans, Sesel in ganny dirize lapli par ditan par en gouvènmman ki ti vin o-pouvwar atraver fizi. Kote eski ansyen prezidan Rene e lezot ti ganny zot konpetans? Atraver liniversite koudeta ?



*Kote zot ti ganny zot konpetans zot ?*